



Posbus 7113, Newtonpark, 6055  
Telefoon (041) 3651233  
h/v Willetstraat en 4de Laan, Newtonpark, 6045  
E-pos: [admin@lnpark.co.za](mailto:admin@lnpark.co.za) /

*'n Blink toekoms begin hier!*

## NUUSBRIEF 8

### 7 Maart 2025

#### UIT DIE KANTOOR

Geagte Ouers

#### **AANSOEK OM TOELATING 2026: GRADE R TOT 7**

Ons is baie opgewonde na ons twee opedae. Die opkoms was goed en ons sien uit na almal wat gaan aansoek doen. **Ons versoek voornemende ouers vriendelik om nuwe aansoeke so spoedig moontlik by die skool in te dien, want sentrale inskrywings by die departement vir graad R en graad 1 gaan 'n rol speel.**

Die personeelvoorsiening van die Laerskool Newtonpark is afhanklik van ons jaarlikse inskrywings. Die skool moet ook jaarliks hierdie statistiek aan die departement van onderwys bekend maak.

**Ons versoek ons bestaande ouers om ons so spoedig moontlik in kennis te stel indien u 'n kind vir graad R of graad 1 in 2026 wil inskryf.** Ons wil graag ons huidige ouers voorkeur gee om u ander kind ook by ons in te skryf.

Ons sal dit waardeer indien u ons skool by u familie, vriende en ander bekendes aanbeveel.

#### **TOETSREEKS**

Ons graad 4 tot 7-leerlinge is besig met die toetsreeks. Maak seker dat hulle voorbereid is en genoeg slaap inkry. Sterkte aan elke leerling wat hard leer om hul beste te lewer.

#### **BRAAIDROMME**

Ons is opsoek na braaidromme vir die skool. Indien daar ouers is wat kan skenk of 'n kontakpersoon het, kan u die kantoor kontak of e-pos na [admin@lnpark.co.za](mailto:admin@lnpark.co.za) stuur.

#### **VAKANSIENASORG: APRIL 2025**

Die beheerliggaam het daartoe ingestem dat ons 'n opname maak om vas te stel hoeveel ouers 'n daadwerklike behoefte het om tydens die Maartvakansie van ons nasorgdiens gebruik te maak. Dit kan slegs aangebied word indien daar ten minste 10 kinders is wat daarvan gebruik wil maak.

Die voorgestelde tydperk is:

- 1. Maandag, 31 Maart 2025 tot Vrydag, 4 April 2025 (5 dae). (Skole sluit Vrydag, 28 Maart 2025 en heropen Dinsdag, 8 April 2025)**

U moet asseblief onderneem om die nasorgtye, nl. 07:15-17:30, stiptelik te eerbiedig.

Die tarief beloop R450, per kind, en R850 vir 2 kinders vir die vyf (5) dae. Die bedrag is vir die volle tydperk, vooruitbetaalbaar.

Daar is beperkte spasie. Sperdatum vir aansoeke is Woensdag, 19 Maart 2025.

### 0/13-NETBALSPAN BORG: ONE SOLAR



Ons is baie opgewonde vir die 2025 netbal-seisoen wat voorlê. 'n Groot dankie aan **oneSolar Nelson Mandela Bay** vir die borg van ons meisies se rokkies, langmou hempies, baadjies en al die ekstras. Ons weet sommer die seisoen gaan 'n sukses wees.

### NUWE NAAMBALKIES: R30 ELK

Leerlinge wat nuwe naambalkies gaan aankoop in die toekoms, gaan die nuutste aangepastes kry. Daar gaan nou 'n rooi en 'n blou balkie te koop wees. Die kleur wat u kind kry sal volgens die kleurspan wees waarby u kind ingedeel is vir atletiek.



### KLEREWINKELTYE

Maandae 07:30 – 12:00  
Woensdae 12:00 – 14:30  
Vrydae 07:30 – 12:00

### SKOOLDRAG

Die leerlinge moet die korrekte somersdrag aantrek. Ons versoek u vriendelik om daarby te bly. Die dra van die skoolbaadjie tydens die saalbyeenkoms op Maandae is verpligtend. Die voorskrifte daarvoor verskyn in die gedragskode-dokument onder die "beleidsdokumente" op ons google drive-inligtingsplatform. Die skakel daarvoor is:

[https://drive.google.com/drive/folders/1Js5mo6zV\\_heYEpgZroY6b68XWa3pUMOt?usp=sharing](https://drive.google.com/drive/folders/1Js5mo6zV_heYEpgZroY6b68XWa3pUMOt?usp=sharing)

## **MNR. EN MEJ. OOS-KAAP**

Die jaarlikse Mnr. en Mej. Oos-Kaap se eerste rondte vind Saterdag, 15 Maart plaas. Ons moedig alle leerlinge aan om aan hierdie wonderlike geleentheid om ons skool te verteenwoordig deel te neem. In 2024 het ons Newtons die trofee vir die meeste verteenwoordiging gewen. Ons sal graag hierdie jaar dit weer wil doen! Inskrywingsvorme is by Mej. L. de Wet beskikbaar.

## **LAERSKOOL NEWTONPARK FACEBOOKBLAD**

Besoek gerus ons skool se amptelike facebookblad, @LaerskoolNewtonpark.co.za, die blad se profielfoto is die skoolwapen. Dis lekker om na foto's te kyk en met ons leerlinge te spog. Bly ook op hoogte met die nuutste gebeure.

## **SNOEPIE : KARRI-TOEP**

Hiermee 'n paar wenke om die gebruik van die KARRI-toep te vergemaklik:

Indien u meer as een kind in die skool het, plaas al die bestellings onder een kind se naam en reël met u kinders om die bestellings onder mekaar uit te deel. Sodoende spaar u op ekstra bankkoste.

Daar word slegs 'n boodskap vir Maandae se spyskaart uitgestuur, maar sodra u die toep oopmaak, is die hele week se spyskaart gelaai. Ons moedig u aan om, vir administrasie doeleindes en besparing op ekstra bankkoste, u bestelling vir die hele week vooruit te plaas. Bestellings vir die nuwe week maak Vrydae om 14:00 oop en sluit soggens om 07:00 vir die spesifieke dag.

## **SKOOLGELDE 2025**

Die volgende wyses van betaling is beskikbaar: **maandelikse debietorder** oor 10 of 11 maande. (Januarie/Februarie – November en is opbetaalbaar voor/op 30 November 2025. 'n Debietorder kan slegs op 'n tjek-/spaar-/transmissierekening ingestel word.) U mag ook die **skoolgelde EFT**. Ons beskik ook oor 'n **kaartmasjien** by die skool wat u kan gebruik.

Op die verwysing van die inbetaling moet u asseblief die rekeningnommer en u kind se van en naam verskaf, en u bewys van betaling aan [fin@lnpark.co.za](mailto:fin@lnpark.co.za) e-pos.

**Alle graad R-gelde is maandeliks vooruitbetaalbaar en nasorggelde is kwartaalliks streng vooruitbetaalbaar.** Geen verligting word ten opsigte van hierdie dienste toegestaan nie, aangesien hierdie aktiwiteite nie deel van die skool se vrywillige program is nie.

Die betaling van skoolgelde is 'n wetlike verpligting (Staatskoerant no. 29311). Indien u in gebreke bly om u skoolgelde te betaal, sal dit wetlik afgedwing word.

## **KRY KORTING OP SKOOLGELDE**

Indien skoolgelde (graad R tot 7) ten volle betaal word voor/op 31 Mei 2025 sal 'n 5% korting toegestaan word.

## **ELEKTRONIESE BETALINGS**

Op die verwysing van die inbetaling moet u asseblief die rekeningnommer en u kind se van en naam verskaf. U moet ook die bewys van betaling per e-pos aan [fin@lnpark.co.za](mailto:fin@lnpark.co.za) stuur.

REKENINGNAAM	<b>LAERSKOOL NEWTONPARK</b>
BANK	<b>ABSA</b>
REKENINGNOMMER	<b>1400490089</b>
TAKKODE	<b>632005</b>

## GEDAGTE VIR DIE WEEK



Geniet die naweek saam met u kinders!

SKOOLHOOF

E-pos: [skoolhoof@lnpark.co.za](mailto:skoolhoof@lnpark.co.za)

Tel : 0846935318

## ALGEMEEN

### BELANGRIKE DATUMS VIR VOLGENDE WEEK:

Die volgende datums moet u asseblief op u kalender aanteken:

Ma – 10 Maart	:	Klerewinkel <b>07:30 tot 12:00</b> <b>TOETS</b> : Engels graad 5 en 7 <b>TOETS</b> : Afrikaans graad 4 en 6
Di – 11 Maart	:	<b>TOETS</b> : Geskiedenis graad 5 en 7 <b>TOETS</b> : Aardrykskunde graad 4 en 6 Krieket: 0/9A+B teen Herbert Hurd <b>(t)</b> Tennis: Senior seuns A teen Clarendonpark B <b>(t)</b> Tennis: Senior seuns B teen St. Georges A <b>(w)</b> Tennis: Junior seuns - <b>Loslootjie</b>
Wo – 12 Maart	:	Klerewinkel <b>12:00 tot 14:30</b> <b>TOETS</b> : LO graad 7 <b>TOETS</b> : LV graad 4 tot 6 Truie oorhandigingsfunksie: 0/13 Rugby
Do – 13 Maart	:	Framesby Laerskole sportdag : 0/12 + 0/13 netbal en rugby Tennis: Senior dogters A teen Sonop <b>(t)</b>
Vr – 14 Maart	:	Klerewinkel <b>07:30 tot 12:00</b> Biblioteekboeke inhandig
Sa – 15 Maart	:	<b>*Mnr. Percy Barnard verjaar</b> <b>OOV: Prettraf</b>

# SPORT EN KULTUUR

## BERGSIG-TOERNOOI : RUGBY

DATUM	SPAN	TEEN	UITSLAE
28 Februarie	0/13A	Handhaaf	LNP verloor 0 – 27
28 Februarie	0/13A	Frans Conradie	LNP verloor 0 – 7
1 Maart	0/13A	Albertyn	LNP verloor 0 – 10

## BERGSIG-TOERNOOI : NETBAL

DATUM	SPAN	TEEN	UITSLAE
28 Februarie	0/13A	Good Sheperd	LNP wen 20 – 5
28 Februarie	0/13A	Verkenner	LNP wen 20 – 0
28 Februarie	0/13A	Handhaaf	LNP verloor 10 – 17
1 Maart	0/13A	Brebner	LNP wen 17 – 4
1 Maart	0/13A	Frans Conradie	LNP wen 16 – 7

## KRIEKET

DATUM	SPAN	TEEN	UITSLAE
4 Maart	0/9A	Sunridgepark	LNP teken 34 lopies aan en verloor 2 paaltjies. Sunridgepark teken 22 lopies aan en verloor 4 paaltjies LNP wen 17 teenoor 5.25
4 Maart	0/9B	Sunridgepark	LNP teken 9 lopies aan en verloor 7 paaltjies Sunridgepark teken 18 lopies aan en verloor 2 paaltjies Sunridgepark wen 9 teenoor 1.25

## SKAAK

Sebastian Kapp in graad 7D het op 1 Maart aan die “PE Summer Round Robin”-tennisttoernooi deelgeneem. Daar was 10 seuns van sy ouderdom in die groep. Hy was die enigste speler wat al sy wedstryde gewen het, en was dus ook die wenner van die groep. Hartlik geluk, Sebastian!

## JUDO

Dentin Maritz in graad 4M het op 1 Maart aan die “NMB 1st Annual Tournament”-kompetisie deelgeneem en ‘n 1ste plek (goud) in sy groep 30kg en onder verower. Baie geluk, Dentin!



Rico van Vuuren in graad 5D het ook op 1 Maart namens MJ's Judo Dojo aan die "NMB 1st Annual Tournament" kompetisie deelgeneem en 'n 1ste plek (goud) in sy groep 40kg en onder verower. Baie geluk, Rico!



### **SWEM: C-GALA LIGA UITSLAE**

Ons swemmers het op 15 Februarie aan die C-Gala liga deelgeneem en soos volg presteer:

#### **Milan van Wyk:**

Top 20 Rugslag  
Top 20 Vryslag

#### **Anina Visagie:**

2de plek Rugslag  
3de plek Vryslag  
Top 20 Borsslag

#### **Emma Moore:**

3de plek Borsslag  
Top 20 Rugslag  
Top 20 Vryslag

#### **Brenay Lee:**

Top 15 Vryslag

#### **Donae Nieuwenhuizen:**

1ste plek Rugslag  
Top 10 Borsslag  
Top 10 Vryslag

#### **Liané Nieuwenhuizen:**

4de plek Rugslag  
Top 10 Borsslag  
Top 10 Vryslag

#### **Ryan Erasmus:**

5de plek Rugslag  
5de plek Borsslag  
2de plek Vryslag

Baie geluk, julle!



## MNR. EN MEJ. MELKFEES 2025

Haley Stoop in graad 1T en Mika Stoop in graad 5D het verlede naweek aan die Mnr. en Mej. Melkfees 2025 deelgeneem en soos volg presteer:

### Haley Stoop

Ouderdom: 6-9 jaar

Wenner: Mej. Melkfees 2025

### Mika Stoop

Ouderdom: 10-14 jaar

Wenner: Mej. Melkfees 2025

Baie geluk, meisies!



**LAERSKOOI NEWTONPARK BIED AAN**

**KLEUR 2025**

**5KM PRETDRAF**

**15 MAART 2025 | 08H00**

**PLEK:** *Laerskool Newtonpark se Sportgronde te Geraldstraat*

**KAARTJIES:** *R60 • 5 tot 13 jaar  
R80 • 14 jaar en ouer*

**KAARTJIES IS BESKIKBAAR OP [QUICKET.CO.ZA](https://www.quicket.co.za)**

*R20 per inskrywing word  
aan CANSa geskenk.*

